

亥 21

31-542

外科
初学全案
下

韓
國
醫學
六種



外科症治全生集 卷之三

古吳林屋山人定定子王維德洪緒氏纂輯

吳縣潘

蔚重校刊

同人參校

夫用藥如用兵也。兵有勇猛藥有燥烈。烈藥經製則純。勇兵經練則精。兵精破賊不難。藥純治病易愈。苟炮製不妥。猶勇兵之武藝未備也。今人不精於製。而視性之烈燥者。畏之如虎。反諉之曰。非徒無益。惟恐有害。予初讀藥性。繼攻炮製。然



北京中醫藥大學圖書館版權所有

藥之性。古今之議未遠。炮製之法。却有不同。予留心四十餘年。深得其法。用之功靈效速。萬無一失。始悉烈藥之力。如男兵製藥之方。如演武也。因古書獨於烈藥之處未詳。是以錄登是集。爲炮製之補遺云爾。

甘草

切三寸一段。水浸透。放鐵篩上。炭火慢炙。炙至汁將出。卽取離火。暫冷再炙。炙至草熟。去皮切片。熟者健脾和中。甘平之品。乃九土之精。生者化百毒和藥性。潤肺解瘡疽胎毒。利咽喉。



人參

補氣。獨入肺經。肺主諸氣。肺旺則四臟皆旺。精自生而形自盛。補中益氣。一切虛症要品。

黃芪

去心。蜜水潤炙。如入補腎藥。以鹽水潤炙切片。炙爲補氣藥。生有託毒功。

白朮於朮

浸一宿。切片。土拌蒸透。去土勿炒。於朮浸刮去皮。飯上蒸。日晒數次。如棗黑。黃土炒。於朮之功。勝於白朮。乃中宮和氣補。



南京中醫藥大學圖書館版權所有

脾之藥。

蒼朮

泔水浸去粗皮。切片晒乾。土炒炭。治脾胃寒溼。消痰逐水。

伏水土。止瀉痢霍亂。久服延年。

當歸

酒浸晒乾切片。上部用頭。中部用身。下部用梢。頭身活血。梢破血。全用定血。引血歸經。除頭痛。和血補血。潤腸胃。筋骨皮膚。排膿止痛。

白芍



南京中醫藥大學圖書館版權所有

外科用酒炒固勝收斂

赤芍

消癰腫。破堅積惡血。下氣生肌止痛。

厚朴

去皮切片。每觔取帶皮生薑四兩。切片同煮。汁乾炒透去薑。溫中消痰。厚腸胃。除積冷宿血宿食。

丹參

色赤酒潤炒。血分藥也。補心血。養神志。生新血。安生胎。落死胎。爲胎前產後要藥。每晚酒送末二錢。連服四十日。可療痛。



南京中醫藥大學圖書館版權所有

經卽孕。

元參

蒸晒。忌銅器。消癰。滋陰降火。利咽喉。通小便。

地黃

生用性寒。涼血滋陰。解熱。水煮至中心透黑。然後每觔入滾陳酒半觔。炒砂仁末一錢。再煮至汁盡。漚起晒乾。所漚原汁。仍入收盡。再晒乾。忌經鐵器。補陰壯真氣。生肌填髓。同肉桂引火歸元。療陰分虛虧。

牛膝



產川者佳。酒拌蒸則補生用亦效。補腎。強四肢。產懷者下。

麥冬

去心酒浸則補湯泡則微寒。祛熱毒浮腫。洩肺中伏火。安臟心腹。

天冬

去心酒潤。治陽物不起。潤五臟。咳嗽消痰。降火。去風熱。煩悶。

茯神

安魂魄。養心血。治心神不安。

赤茯苓



破結氣瀉心小腸膀胱溼熱行竅行水。

白茯苓

蒸透切。逐水暖脾生津止洩除虛熱開腠裏。

穀芽

啟脾進食寬中消食。

麥芽

開胃消食和中。

苡仁

補肺益脾去溼消水腫理脚氣。



芡實

炒。治遺精濁帶。益精助胃氣。明目。

杜仲

去皮。每觔用蜜三兩塗炙。蜜盡爲度。肝經藥也。補中益腎。補肝虛。堅筋強志。

肉桂

純陽之品。引火歸元。解陰寒凝結。去皮曰桂心。更純。桂枝性橫走。手臂發表。

官桂



北京中醫藥大學圖書館版權所有

理陰分。解凝結。愈瘡疾。行血分。通毛竅。

川附子

昔產深山有毒。今民家栽種無毒。用水浸一二日。每宿易清水。浸去鹹味。麴裏火煨。切片曬乾。補腎肝陰虛。治中風癱瘓。陰陽疝氣。

大黃

每觔用陳酒五觔。煮爛曬乾。名熟軍。治燥結熱毒。清實火。下宿積。化停食。生熟功同。熟者純。

黃連



大寒治實火。凡痢疾目疾非實火。悞服致命。爲倒胃之藥。惟驚能療。解巴豆輕粉之毒。胡黃連性同。

黃芩

苦寒。風痰骨蒸。喉膈癰毒。養陰退陽。

香附

去皮。童便浸。水洗晒搗。醋鹽水拌。炒解鬱消癰。積聚痰飲。調經。

琥珀

用側柏子末。入瓦鍋煮。有異光取起。入燈心對分。研爲粉。清肺利小腸。安五臟。定魂魄。消瘀血。明目。



南京中医药大学图书馆版权所有

冰片

苦寒。治舌口咽喉火毒。研水調吞。治難產。

沙參

清肺火。益心。治久嗽。肺痿。消癰排膿。

苦參

泔水浸。蒸切。晒干。主風熱蟲症。腸風血精。下痢。治大瘰。風虛弱。忌服。

松子仁

潤肺。治燥結咳嗽。同柏子仁。治虛閉。



柏子仁

甘平無毒。與陽道益壽元。潤腸安神。

杏仁

去皮尖。除肺熱。氣逆。潤大腸。氣閉。

大麻仁

利大腸。熱燥。大便熱結。

乳香

每觔用燈心四兩同炒。炒至圓脆。可粉爲度。扇去燈心。磨粉用。消癰止痛。託裏護心。治遺精難產。



南京中醫藥大學圖書館版權所有

沒藥

製法與乳香同。破堅。敗惡血。消腫生肌。墮胎去翳。

芸香 亦名白膠香

水煮三度。俟湯溫。手批油淨。冷卽硬磨粉。解疽毒止痛。輕粉對研。猪油調敷爛孔。

樟腦

每兩用碗對合。溼紙封口。火昇半時。則成樟冰。治中邪腹痛。風痰。加花椒同昇。殺牙蟲。止牙疼。

丁香



辛温。治霍亂痞塊。吹鼻愈腦疳。反胃。開膈關。腹中腫毒。鼻中
息肉。乳頭裂破。

沉香

乾研末。或酒磨。以煎劑沖服。治腫毒。心腹痛。調中補臟。益精
神壯陽。

松香

先取胡蔥煎湯。去蔥。以湯分三次煮香。每俟湯温。在湯內手
扯洗。其油去盡。冷凝磨粉。崙療溼瘋。治白禿。生入膏生肌。

木香



下降療腫毒。止吐痢。消積。止腹痛。統理氣分。

草烏

有烈毒。去皮取白肉。每觔川萊豆半升同煮。豆開花。去烏。切晒磨粉。治風痰。手足拘攣。逐凝結。追筋絡。寒痰。開脹。以黑皮炙研醋調。治蛙髮癰。

川烏

功同附子。性緩。助陽。補命門不足。破積冷痢。

巴豆仁

研壓數次。汕盡如粉。名巴霜。拔毒。孕婦忌用。

